

TE TANGATA WHENUA ME ENVIRONMENT CANTERBURY

Ahakoia kei roto i te “Local Government Act” ngā tikanga mō ngā iwi Māori katoa, kei te mōhiotia ake ko Ngāi Tahu te tangata whenua o tēnei rohe. Kei a rātou te mana whenua mō ngā mahi katoa a Environment Canterbury, ā, ehara rātou i tētahi anō rōpū. He take whakahirahira ēnei mahi ki ngā hiahia o te tangata whenua, inā hoki ki ngā take e pā ana ki te whenua, me te wai. Āpiti atu ki te “Local Government Act” me te “Resource Management Act 1991” ka herea tino tūturu nei ngā Kāwanatanga-ā-Rohe ki tēnei mea te kaitiakitanga, me te Tiriti o Waitangi. Ka honoa anō hoki nga Kāwanatanga-ā-Rohe ki tā te Māori titiro ki ā rātou ake tikanga, me ā rātou ake whakapapa e pā ana ki ā rātou papatipu, ā rātou wai, ā rātou nohonga, ā rātou wāhi tapu me ērā atu taonga. Kia tutuki pai ai ā rātou herenga ki te Local Government Act me te Resource Management Act me kaha tonu a Environment Canterbury ki te whakapiri atu ki ngā rūnanga tekau o Waitaha, ā, ki te Rūnanga o Ngāi Tahu hoki. He tino take tēnei kia oti pai hoki te tiaki i te taiao o Waitaha.

Ngā Pukapuka Whakatakoto Kaupapa

Ko te Canterbury Regional Policy Statement me te Proposed Canterbury Natural Resources Regional Plan, Wāhanga Tuarua, koiane ngā tino tuhihi whakatakoto kaupapa e rua kua tirohia e te tangata whenua, ā, nā rātou i wehewehe ngā take whakahirahira mō rātou ake. Nā ēnei tirohanga ka oti ai te kaupapa o Environment Canterbury mō ngā mahi tiaki i te taiao i roto i tēnei rohe.

Ngā Kaupapa Whakahaere Iwi

He kaupapa ēnei kāre i raro i te mana o tētahi atu ture, nā te tangata whenua tonu i whakarite. Ia tau he pūtea tā Environment Canterbury hei tautoko i tēnei mahi. I a rātou e whakatika ana i ā rātou kaupapa-ā-rohe ka hāngai tika a Environment Canterbury ki ngā kaupapa taiao kua whakatinanatia e te iwi rūnanga, arā, te Rūnanga o Ngāi Tahu. Mā ēnei kaupapa taiao ka mōhio ai ki tā te Māori titiro. Ko ētahi o ēnei kaupapa taiao: ko te Taumutu Natural Resources Management Plan, me te Rūnanga o Ngāi Tahu Fresh Water Policy Statement.

Takawaenga Iwi

He Rōpū Takawaenga Iwi tā Environment Canterbury, mai te tau 1992. Ko ngā mahi o tēnei wāhanga he: tautoko i te whakawhānauanga ki ngā Papatipu Rūnanga, me Te Rūnanga o Ngāi Tahu mahi tahi me ngā kaimahi o Environment Canterbury kia tika ai ā rātou whakawhirihiri i ngā hiahia, me ngā wawata, o Ngāi Tahu i ngā wakatoa. Titiro i ngā mahi whakawhitihiti whakaaro katoa o Environment Canterbury, ā, ki te raru mā tēnei wāhanga o Environment Canterbury e whakahaere i tētahi hui hei whakatika mahi tahi me te Rūnanga o Ngāi Tahu me ngā Papatipu Rūnanga, me Environment Canterbury, kia uru atu ngā hiahia me ngā wawata o Te Rūnanga me ngā Papatipu Rūnanga ki ngā kaupapa katoa o Environment Canterbury

He Whakatūranga

Kei te mahia e Environment Canterbury me te Rūnanga o Ngāi Tahu, me ngā Papatipu Rūnanga tekau i tētahi whakatūranga kia rangatira ai te whanaungatanga e kimihia nei.

Te Whakapakari Raukaha

Ā whai ake nei ka mahi tahi a Environment Canterbury me ngā Māori katoa o Waitaha (a te Rūnanga o Ngāi Tahu, ngā Papatipu Rūnanga tekau, Te Puni Kōkiri, me ētahi atu) kia whakapakari ake ngā Māori o tēnei rohe ki te kuhu atu ki ngā mahi whakataunga o Environment Canterbury. Āpiti atu ki tēnei ko te hiahia kia mārama pai a Environment Canterbury ki ngā wawata o te Māori, ā, kia mau ki te kaupapa hei whakapakari i ngā Māori o tēnei rohe. Ko ētahi atu kaupapa whai mana, pērā i te whakaturānga me te hui whakawhitihiti whakaaro i raro i te Local Government Act, mā te wā ka whakaritea.

Te Hoatu Pānui

Kei te mōhio rawa atu a Environment Canterbury kia tika tonu ngā pānui e hoatu ana e rātou ki ngā Māori o tēnei rohe kia oti pai hoki tā rātou kaha ki te uru atu ki ngā mahi whakataunga o Environment Canterbury. Kei te tautoko a Environment Canterbury i te hanga o tētahi putunga kōrero mō ngā nohonga (o Ngāi Tahu), ā, mā rātou anō e hoatu pūtea pēnei i te mapi me te GIS mēnā ka tika.

He Tautoko

Ia wā, ia wā, mā Environment Canterbury e whakatau mēnā: ka hoatu pūtea rātou mō ngā mahi taiao, me ngā mahi-ā- iwi, e mahi tahi nei rātou me te tangata whenua hei painga mō rauā tahi ka hoatu pūtea kia taea ai ngā Māori o tēnei rohe ki te haere ki ngā hui e painga nei mō rauā tahi mā Environment Canterbury ka taea pea ētahi Māori o tēnei rohe ki te haere ki ētahi whakaakoranga o Environment Canterbury, o ētahi atu rānei.

Wānanga

Kei te matatau a Environment Canterbury kia mōhio ā rātou mangai me ā rātou kaimahi ki ngā tikanga o te Māori, kia mōhio ai me pēhea ngā Māori o tēnei rohe e rata atu ki te Local Government Act me te Resource Management Act.

Whakawhitihiti Whakaaro

Mā Environment Canterbury tohū e whakaū, e whakawhānui rānei, ā rātou mahi whakawhitihiti whakaaro e pā ana ki te taiao me ērā atu mahi Kāwanatanga- Rohe. Ina kua kōrerotia i mua tata ake nei, kia tūturu pai a Environment Canterbury ki ngā wawata o ngā Māori o tēnei rohe, ā, mā te hui me te whakawhānauanga ka taea ai.